

## **COMISIÓN INFORMATIVA DE CULTURA, DEPORTES E MOCIDADE**

**ACTA** da mencionada comisión informativa, correspondente ao día **22 de setembro de 2022**

Ás 17.35 horas do día 22 de setembro de 2022, reúnese a Comisión Informativa de Cultura, Deportes e Mocidade, na sala de xuntas da Deputación Provincial, coa asistencia dos seguintes deputados e deputadas:

**Presidenta:** D.<sup>a</sup> Ana Patricia Torres Madureira

### **Deputados/as do Grupo Popular:**

D. Álvaro José Fernández López

D.<sup>a</sup> Consuelo Vispo Seara

D. César Manuel Fernández Gil

D.<sup>a</sup> Ana María Villarino Pardo

### **Deputados/as do Grupo Socialista:**

D.<sup>a</sup> Susana Rodríguez Estévez

D. Álvaro Vila Araújo

D.<sup>a</sup> Margarita Pérez Fernández

**Deputados de Democracia Ourensana:** D. Armando Ojea Bouzo

**Deputado do BNG:** D. Bernardo Varela López

**Deputada non adscrita:** D.<sup>a</sup> Montserrat Lama Nóvoa.

**Secretario:** D. Juan Marquina Fuentes

**Interventora:** D.<sup>a</sup> Begoña Álvarez Matos

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

### **1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 21 DE XULLO DE 2022.-**

Pola Secretaría Xeral deuse traslado do borrador da acta anterior, correspondente á ordinaria do día 21 de xullo de 2022.

Non se producen intervencións e por unanimidade, a comisión adopta o seguinte acordo:

Aprobar a acta da sesión ordinaria da Comisión Informativa de Cultura, Deportes e Mocidade do día 21 de xullo de 2022, conforme co borrador elaborado pola Secretaría Xeral.

## **2º.- MOCIÓN DO BNG SOBRE A NECESIDADE DE PRESERVACIÓN E CONSERVACIÓN DE PRESAS TRADICIONAIS DE GALIZA**

**D. Bernardo Varela López, do BNG**, dá lectura á moción presentada.

O Grupo Socialista e o Grupo Popular manifestan a súa reserva de voto para o Pleno.

**D. Bernardo Varela López, do BNG**, intervén para sinalar que esta moción garda certa relación coa presentada polo Grupo Socialista sobre a adopción de medidas ante a seca e achega o dato de que existen fondos NexGeneration para eliminación de obstáculos nas canles, apuntando que se debe proceder a valorar convenientemente que obstáculos hai que retirar ou non, xa que hai moitas presas tradicionais que prestan actualmente servizo e serven de reserva de auga para o verán. Sen prexuízo de que se poidan utilizar eses fondos para eliminar outros obstáculos que si hai nas canles.

A **presidenta da comisión** pon como exemplo as árbores arrastradas polas correntes e as especies invasoras.

**D. Bernardo Varela López, do BNG**, sinala que como nos últimos anos estivo prohibido talar árbores nas proximidades dos ríos, en concreto amieiros, e estes sufriron un fungo o último ano, moitos deles secaron e foron arrastrados pola corrente, creando moitos problemas nalgúns canles.

Non se producen máis intervencións e co voto favorable do BNG (1) e a abstención do Grupo Popular (5), do Grupo Socialista (3), de DO (1) e da deputada non adscrita, a comisión ditamina favorablemente a adopción, por parte do Pleno, do seguinte acordo:

1º.- Instar á Deputación Provincial a que dende a comisión de cultura e patrimonio desta institución se realice un catálogo das presas tradicionais existentes na provincia de Ourense.

2º.- Instar á Deputación de Ourense á recuperación e conservación das pozas situadas en estradas provinciais e a colaboración na conservación das situadas nas vías municipais para a súa posta en valor e uso. Tanto polos seus usos humanos como polo seu importante papel como reservorio medioambiental.

3º.- Instar á Confederación Hidrográfica Miño-Sil a respectar o patrimonio etnográfico galego e non desmantelar estas infraestruturas de valor cultural e patrimonial, cuxa importancia se fai máis transcendental como factor de regulación e acumulación da auga cos efectos do cambio climático. Resultando imprescindibles canto máis frecuentes e prolongadas se fan as secas. Polo que se solicita que dispoñan fondos desta institución para os labores de conservación que correspondan.

4º.- Instar á Xunta de Galiza a que estas infraestruturas popular sexan catalogadas en toda Galiza e declaradas “Lugares de Valor Etnográfico” e protexidas pola Xunta de Galiza en consecuencia, e dotar fondos para a súa conservación.

5º.- Instar á Xunta de Galiza a promover estudos e catalogar como Ben de Interese Cultural Inmaterial galego o uso e xestión das augas nos sistemas de acumulación e distribución de auga popular.

6º.- Instar á Deputación de Ourense a pór a disposición das comunidades de regantes e propietarios de muíños e elementos patrimoniais análogos os equipos técnicos desta, para acometer as propostas de reparación e mantemento destas infraestruturas para o seu uso e conservación de forma axeitada.

### **3º.- MOCIÓN DO GRUPO SOCIALISTA SOBRE A SOLICITUDE DA MEDALLA DE OURO DA PROVINCIA PARA XOSÉ CID MENOR “ARTISTIÑA DA RABEDA”.**

**D. Álvaro Vila Araújo, do Grupo Socialista,** dá lectura á moción do seu grupo.

Todos os grupos manifestan a súa reserva de voto para o Pleno.

Non se producen máis intervencións e co voto favorable do Grupo Socialista (3) e a abstención do Grupo Popular (5), de DO (1), do BNG (1) e da deputada non adscrita, a comisión ditamina favorablemente a adopción, por parte do Pleno, do seguinte acordo:

Instar ao Pleno da Deputación Provincia a iniciar o procedemento descrito no Regulamento de Honras e Distincións para outorgarlle a Xosé Cid Menor a medalla de ouro da provincia.

**4º.- MOCIÓN DE URXENCIA.-** Non se presentan.

**5º.- ROGOS E PREGUNTAS.-** Nesta quenda prodúcense as seguintes intervencións:

**D. Bernardo Varela López, do BNG**, realiza a petición de que se lle facilite información ou un listado de todas as obras de arte, xa sexan cadros, esculturas ou similares, que adquiriu a Deputación nos últimos anos e onde se atopan depositadas.

E, ás 18.00 horas, dáse por finalizada a reunión, redactándose a presente acta que se asinará electronicamente. Dou fe.